

इवनिंग डोगरी न्यूज़ बुलेटिन

समे .18:15 Hrs

Headlines

1. प्रधानमंत्री नरेन्द्र मोदी होरें आखेआ ऐ जे भारत, अपने आपै गी कार्यबल थमां विश्वबल च तब्दील करियै दुनिया दा इक नमां उत्पादन केन्द्र बनदा जा'रदा ऐ।
2. मुखमंत्री ओमर अब्दुल्ला होरें 3 मार्च थमां शुरु होआ करदे जम्मू-कश्मीर विधानसभा दे बजट इजलास कोला पैहले एलजी मनोज सिन्हा हुंदे'नै मलाटी कीती। एलजी हुंदे संबोधन कन्नै बजट इजलास दी औपचारिक शुरुआत होग।
3. बजट इजलास कोला पैहले कल नेशनल कांफ्रेंस ते कांग्रेस पार्टी आसेआ अपने विधायक दल दी बैठक लाई जा'रदी ऐ।
4. मुखमंत्री ओमर अब्दुल्ला होरें इस गल्लै गी फही पक्का कीता ऐ जे सार्वजनिक सेवाएं दी बवस्थित ढंगै सिर दस्तयाबी, उंदी सरकार दी इक बड्डी प्राथमिकता ऐ।
5. जम्मू-श्रीनगर राश्ट्री जरनैली सिडक गी हौली मोटर गड्डिएं गी दौने बक्खी दा आओजाई लेई खोली दित्ता गेआ ऐ।

<><><><><><>

PM NXT Conclave

प्रधानमंत्री नरेंद्र मोदी होरें आखेआ ऐ जे दुनिया 21मीं सदी दे भारत आहली बक्खी उत्सुकता कन्नै दिक्खा करदी ऐ ते ओह अपने आपै गी कार्यबल कोला विश्वबल च तब्दील करियै दुनिया दा इक उत्पादन केंद्र यानि दुनिया दा नमां कारखाना बनदा जा रदा ऐ। अज्ज नमीं दिल्ली दे भारत मंडपम च NXT Conclave 2025 गी संबोधित करदे होई मोदी होरें आखेआ जे भारत इक नेहा देश ऐ जित्थे लगातार सकारात्मक खबरां पैदा कीतियां जा'रदियां न ते रोजाना नमें घटनाक्रम होआ'रदे न। प्रयागराज च हाल च गे सम्पन्न महाकुम्भ दा जिक्र करदे होई उनें दस्सेआ जे कियां लक्खें लोकें संगम च पवित्र चलोबी लाइयै दुनिया गी हैरान करी ओड़ेआ। प्रधानमंत्री होरें एह बी आखेआ जे 'वोकल फॉर लोकल' ते 'लोक फॉर ग्लोबल' दा उंदा दृष्टिकोण वास्तविकता बनदा जा रदा ऐ। उनें आखेआ जे भारत अनंत नवाचारें दी धरती बनदा जा रदा ऐ। इस मौके पर बोलदे होई प्रधानमंत्री होरें अगगे आखेआ।

<><><><><><>

PM-Agriculture Webinar

प्रधानमंत्री नरेंद्र मोदी होरें आखेआ ऐ जे इस बरे दे केंद्री बजट दा उद्देश्य राई-बाई आहले खेत्तर गी मता लचीला ते समृद्ध बनाना ऐ। अज्ज राई-बाई ते ग्रामीण समृद्धि पर बजट परेंत दे वेबिनार गी संबोधित करदे होई प्रधानमंत्री मोदी होरें आखेआ जे विकसित भारत दे लक्ष्य दी बक्खी बधने दा भारत दा संकल्प बड़ा स्पष्ट ऐ। उनें आखेआ जे अस्स इक नेहू भारत दे निर्माण दी दिशा च किट्टे रलियै कम्म करा रदे आं जित्थे करसान समृद्ध ते सशक्त होन। उनें आखेआ जे राई-बाई गी विकास दा पैहला इंजन मनदे होई सरकार नै करसानें गी गौरव दा थाहर दित्ता ऐ। अपने संबोधन च प्रधानमंत्री मोदी होरें आखेआ।

<><><><><><>

LG-Address

मुख्यमंत्री उमर अब्दुल्ला होरें अज्ज लेफ्टिनेंट गवर्नर मनोज सिन्हा हुंदे कन्नै मलाटी कीती ते जम्मू-कश्मीर विधानसभा दे औने आहले बजट इजलास कन्नै सरबन्धत बक्ख-बक्ख मुद्दे पर चर्चा कीती। विधानसभा दा बजट इजलास सोमवारें, 3 मार्च 2025 गी शुरू होआ रदा ऐ। लेफ्टिनेंट गवर्नर मनोज सिन्हा हुंदे संबोधन कन्नै बजट इजलास दी औपचारिक शुरूआत होग। लेफ्टिनेंट गवर्नर मनोज सिन्हा हुंदा एहू संबोधन बडुलै 10 बजे शुरू होग। रस्मी मन्ने आने आहले इस संबोधन गी सब्भनें विधानसभा सदस्यें दी मौजूदगी च दित्ता जाग।

<><><><><><>

NC-Congress Meet

औंदी 3 मार्च थमां शुरू होआ करदे जम्मू-कश्मीर विधानसभा दे बजट दे मद्देनज़र सत्ताधारी नेशनल कांफ्रेंस नै कल अपने पार्टी विधायक दल दी इक महत्वपूर्ण बैठक सद्दी दी ऐ। चीफ व्हिप मुबारक गुल होरें इस गल्लै दी तसदीक कीती ऐ जे एहू बैठक कल जम्मू च मुख्यमंत्री हुंदी सरकारी कोठी पर दपैह्नी 2 बजे लोआई जाहग ते एहदी प्रधानता मुख्यमंत्री ओमर अब्दुल्ला होर करडन। इस बैठक दरान औंदे बजट सने मुख्ख विधायी मामलें उप्पर ध्यान केन्द्रित कीता जाहग। तोआई कांग्रेस पार्टी नै बी बजट इजलास कोला पैहले जम्मू च कल अपने पार्टी विधायक दल दी इक बैठक सद्दी दी ऐ। इस सरबन्धत च जारी चिट्ठी च पार्टी दे चीफ व्हिप ते बांडीपोरा थमां विधायक निज़ामुद्दीन भट्ट होरें पार्टी दे सब्भनें विधायकें गी जम्मू च पार्टी दे सदर दफ्तर पर होने आहली इस बैठका च हिस्सा लैने दा साद्दा दित्ता ऐ। ऊआं कांग्रेस आला कमान नै आखेआ ऐ जे उ'नें सत्ताधारी गठबंधन दे विधायकें दी कुसै सांझी बैठक लेई अजे नेशनल कांफ्रेंस दी तरफा उनें'गी कोई अधिकारिक जानकारी नेई थ्होई दी ऐ।

<><><><><><>

Nadda-SMVD Visit

केंद्री सेहत मंत्री ते भारती जनता पार्टी दे राश्ट्री अध्यक्ष जे.पी नड्डा होरें ते केंद्री मंत्री डॉ. जितेंद्र सिंह होरें अज्ज श्री माता वैष्णो देवी जी दी पवित्र गुफा च पूजा-अर्चना कीती। इस मौके पर नड्डा होरें जम्मू-कश्मीर विधानसभा दे बजट इजलास शा पैहले भाजपा विधायकें आस्तै कटड़ा च आयोजित 2 दिनें दी विधायक प्रशिक्षण शिविर कार्यशाला दे समापन सत्र गी बी संबोधित कीता।

<><><><><><>

CM-Ramzan

मुख्यमंत्री ओमर अब्दुल्ला होरें इस गल्लै गी फही पक्का कीता ऐ जे सार्वजनिक सेवाएं दी बवस्थित ढंगै सिर दस्तयाबी, उंदी दस्तयाबी, उंदी सरकार दी इक बड्डी प्राथमिकता ऐ। कल्लै थमां शुरू होआ करदे रमज़ान दे पवित्तर म्हीने लेई तैयारियां जकीनी बनाने लेई श्रीनगर इक बैठक दी प्रधानता करदे होई ओमर होरें ई'आं आखेआ। बैठका दरान उ'नें मुतल्लका मैहकमें गी

गी निर्देश दित्ते जे ओहू आपूं-चै नेडमा तालमेल बनाइयै कम्म करन ते इस गल्लै दी पक्की बवस्था करन जे सब्भनें गी बिजली-बिजली-पानी दी निर्विघ्न सप्लाई सने, ट्रैफिक प्रबंधन ते जरूरी चीजें-बस्तें दी दस्तयाबी बी जकीनी बनाई जा। इस सरबंध्यै च सरबंध्यै च बोलदे होई मुखमन्त्री ओमर अब्दुल्ला होरें आखेआ

<><><><><><>

Greetings-Ramzan

मुखमन्त्री ओमर अब्दुल्ला होरें इस गल्लै गी फही पक्का कीता ऐ जे सार्वजनिक सेवाएं दी बवस्थित ढंगै सिर दस्तयाबी, उंदी सरकार दी इक बड्डी प्राथमिकता ऐ। कल्लै थमां शुरु होआ करदे रमज़ान दे पवित्तर म्हीने लेई तैयारियां जकीनी बनाने लेई श्रीनगर इक बैठक दी प्रधानता करदे होई ओमर होरें ई'आं आखेआ। बैठका दरान उ'नें मुतल्लका मैहकमें गी निर्देश दित्ते जे ओहू आपूं-चै नेडमा तालमेल बनाइयै कम्म करन ते इस गल्लै दी पक्की बवस्था करन जे सब्भनें गी बिजली-पानी दी निर्विघ्न सप्लाई सने, ट्रैफिक प्रबंधन ते जरूरी चीजें-बस्तें दी दस्तयाबी बी जकीनी बनाई जा। इस सरबंध्यै च बोलदे होई मुखमन्त्री ओमर अब्दुल्ला होरें आखेआ

<><><><><><>

DC Doda Ramzan

तोआई, खुराक ते सप्लाई मैहकमे, मुंसिपल काउंसल डोडा ते जम्मू-कश्मीर पुलस दी इक सांझी टीमै डोडा च चानचक्क मुख बजारै दा निरीक्षण करियै चीजें-बस्तें दे वाजिब भाएं गी जकीनी बनाया। कल्लै थमां शुरु होआ करदे रमज़ान दे पवित्तर म्हीने दे मद्देनज़र सरबंध्यत अधिकारिएं आसेआ मुनाफाखोरी खलाफ सख्त रौंऽ अखितयार कीता गेदा ऐ। इस सरबंध्यै च सब्भनें दुकानदारें गी आखेआ जा करदा ऐ जे ओहू अपनिएं हट्टिएं दे बाह्न निरखनामे लाइयै रक्खन ते कुसै कोला बी तय कीमता शा मता मुल्ल नेई वसूलन कीते ई'आं करने आहले दे खलाफ सख्त कार्रवाई कीती जाहग। डोडा दे डिप्टी कमिशनर हरविंदर सिंह होरें जकीन दोआया ऐ जे सार्वजनिक सेवाएं दी दस्तयाबी लेई सब्बै हीले अमल च आहन्ने गेदे न। इस सरबंध्यै च बोलदे होई उ'नें आखेआ बाईट

<><><><><><>

Saras-Mela

जम्मू-कश्मीर ग्रामीण आजीविका मिशन आसेआ कला केन्द्र जम्मू च आयोजित सरस आजीविका मेला अज्ज संपन्न होआ करदा ऐ। पिच्छले कोई 10एं दिनें दरान इस मेले च ग्रामीण दस्तकारिएं दा इक जश्र मनाया गेआ ते एह्दे कन्नो-कन्नो बक्ख-बक्ख राज्यें थमां आए दे महिलाएं दे आप-सहायता समूहें अपने शानदार दस्तकारी उत्पादें दा प्रदर्शन बी कीता। इ'नें प्रदर्शिनएं दे अलावा सांस्कृतिक संध्या ते लाईव दस्तकारी उत्पादें दिएं नमैशें बी जम्मू-कश्मीर दिएं समृद्ध परंपराएं दी झलक पेश कीती। ग्रामीण विकास विभाग दे सचिव मोहम्मद ऐजाज़ अस्सद होरें जंदी 20 फरवरी गी एह्दा उद्घाटन कीता हा ते अज्ज एहू मेला संपन्न होआ करदा ऐ। इस सरबंध्यै च इक महिला उद्यमी नै अपने तजुबे आकाशवाणी कन्नै सांझे कीते। उ'नें आखेआ

<><><><><><>

Highway

जम्मू-श्रीनगर राश्ट्री जरनैली सिडक गी जात्तरी गड्डिएं लेई खोली दित्ता गेआ ऐ ते फिलहाल छड़ी हौली मोटर गड्डिएं गी दौने गी दौने बक्खी दा आओजाई दी खुल्ल दिती गेई ऐ। ऊआं लोकें गी इब्बी सलाह दिती गेई ऐ जे ओहू अपनी लेन च पूरे अनुशासन कन्नै गड्डी चलान ते ओवरटेकिंग कोला बचन कीजे एह्दे कन्नै बेवजह जाम लग्गने ज्नेह हालात पैदा होई सकदे न। न। लोकें गी इब्बी गुजारिश कीती गेई ऐ जे फिलहाल ओहू छड़ा दिनें बेल्ले गै सफर करने ते जित्थे तोहड़ी मुमकन होऐ, रामबन ते बनिहाल बश्कार बेवजह गड्डी नेई रोकन कीजे इ'नें इलाकें च प्हाड़ें परा ल्हास-पस्सियां ते कुप्पड़ डिग्गने दा खतरा

खतरा होई सकदा ऐ। तोआई सिडकै दी स्थिति दा आकलन करने परैन्त गै बड्डी मोटर गड्डिएं गी आओजाई दी खुल्ल दिक्ती दिक्ती जाह्ग।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 बरें दे बश्कार ऐ ते ओहू कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>